



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismus  
Catholicus, summam Christianæ institutionis III. libris  
succinctim complectens**

**Klinge, Konrad**

**Coloniae, 1570**

**VD16 K 1309**

An vera fides sola esse possit. tit. 51

**urn:nbn:de:hbz:466:1-29452**

xit alios peccatores. Sic propter pœnitentiã Ezech. 18. Sic Ioseph Matt. 1. ob vitæ castimoniam. Sic parentes Ioannis ambo iusti, Luc. 1. propter obseruantiam præceptorum Dei irreprehensibilem. Sic Herodes sciebat Ioannem esse virum iustum, Marc. 6. quem & Christus commendat, Matth. 11. Non auditores legis, sed factores iusti sunt apud Deum, Roma 2. 1. Cor. 15. Euigilate iusti, Hebr. 11. Abel propter hostiam consecutus est testimonium, eam fore iustum, & 2. Petr. 2. Iustum Loth oppressum &c.

Quintò, fides igitur in Christum cum obseruantia præceptorũ Dei, est tota iustitia & integra hominis: hæc si diuiseris, non est tota. Idèò vtrunq; præcipitur, fides & dilectio. 1. Ioann. tertio. Hoc est mandatum eius, &c. &c.

Nota, fides illa externa, qua credo Christum natum, crucifixum, mortuum, resurrexisse &c. iuxta litteram & historiam, sine dilectione & operibus proprijs, quæ circa fidem esse debent, non iustificat, neq; saluat. Credo Christũ pro me natum, Lu. 2. sed & ego renasci debeo, Ioan. 3. Ego crucem meam portare debeo post Christum. Mat. 10. Luc. 9. Ego mori ipse debeo peccatis. Rom. 6. Resurgere cum Christo Colos. 3. ad nouitatẽ vitæ. Oportet esse misericordem, sicut Christus inquit Matt. 5. iustum &c. Alioqui fides hæc historię de Christo, nihil proderit, nec iustificat, sed est inanis fides, 2. Pet. 1. Christus pro nobis passus est, vobis relinquens exemplum, 1. Pet. 2.

*AN VERA FIDES SOLA ESSE POSSIT.*

TITVLVS LI.



Rimò, Apostolus ad Galat. 5. dicit, quod viuẽs & vera fides est, quæ per dilectionem operatur. Et 1. Corinth. 13. inquit: Fides sine dilectione nihil prodest. Ad Rom.



Rom. 3. Non separat obedientiam legis à fide, sed stauit. Ergò fides vera, sola, sine alijs virtutibus esse nõ potest: alioqui non est vera fides viuens, sed mortua, Iacob 2.

Secundò, Deus non infundit solam fidem homini in baptismo, sine charitate, timore, &c. nam donat & infundit spiritum sanctum ad Tit. tertio, Acto, secundo, & simul omnes virtutes & fructus Spiritus sancti, Galat. 5. Quare virtutes dicuntur connexæ, ob id vna non datur sine alia. Ratio: quia ad perfectam sanitatem animæ nedum requiritur fides, sed etiam charitas, timor, &c. si ergò Deus in baptismo solam fidem infunderet sine alijs, nõ totum sanaret hominem secundum animam, contra illud Ioann. 7. Totum hominem sanum feci. Nam & charitas, timor, & cæteræ virtutes, perficiunt animam. Non ergò fides fructuosa est sine cæteris virtutibus.

Tertiò, quia fides, ex quo est fiducia, id est, spes consequendæ misericordiæ propter Christum & substantia sperandarum rerum, Hebr. 11. Quomodò poterit fides esse sine spe aut sola saluare, sine spe salutis consequendæ? Aut vbi est fides & spes, quomodò ibi non erit charitas? si deest, vana est fides & spes. Sunt ergo inseparabilia, fides, spes & charitas. Et Paulus 1. Cor. 13. iungit in præsentia vita fidem, spem & charitatem. Nunc (inquit) manent, scilicet indiuisæ, fides, spes & charitas, sed in futuro separabitur fides & spes, quia cessabit spes & fides, habito illo, quod credidimus & sperabamus.

Quartò, neque fides, neque spes, neque charitas iustificat, sed Deus, Roman. 8. Deus est qui iustificat. Subindè, neque fides, spes & charitas nostra, est causa cur Deus nos, aut Christus iustificat, Roman. tertio, Iustificati gratis gratia ipsius. Media, per quam Deus iustificat, sunt, fides, spes, charitas, &c. Sacramenta, obedientia legis, Marc. primo, Pœnitentiæ, &c.



credite Euangelio. Et vltimo: Qui crediderit & baptizatus fuerit &c.

Quintò, quòd dicitur, Deus primò solam fidem infundit, & illa ante omnia opera iustificat. Subindè ex hac fide nascuntur cæteræ virtutes, charitas, dilectio, obseruantia præceptorum, &c. quæ sunt fructus fidei: quòd sola tamen præcedens fides iustificat, sine scripturis dicitur. Nullibi dicit scriptura, quòd Deus primò solam fidem infundit, & quòd ex hac nascantur reliquæ virtutes. Nam charitas, timor, obedientia &c. sunt fructus Spiritus sancti, Gal. 5. Summa, sola fides nihil prodest, &c.

## GRATIA DEI QUID SIT.

## TITVLVS LII.



Gratia capitur tripliciter: Primò, generaliter pro omni eo, quòd habemus à Deo, siue corpus, siue vitam &c., 1. Cor. 4. Quid habes quod non accepisti?

Secundò, pro dono specialiter, id est, quòd naturaliter ex nobis adipisci nò possumus, sed donatur à Deo, vt donum Prophetiæ, linguarum, &c. 1. Corinth. 12.

Tertiò, proprijsimè pro dono, quo nos iustificat, id est, remittit peccata, dat Spiritum sanctum, vitam æternam. Hęc sunt magna dona, quandò sanctificat, iustificat, vitam donat æternam. Rom. 6. Gratia Dei vita æterna. Et sic gratiam solus Christus meruit suo sanguine, & non cadit sub merito humano. Roma. 11. Si ex operibus, gratia iam non est &c. Rom. 3. Iustificati gratia ipsius, & hęc est illa immerita misericordia, quæ exhibetur propter Christum. Porrò gratia ad sententiã Apostoli, est immerita misericordia Dei quæ exhibet per media gratis propter Christum. Primò est ex operibus, iam gratia non est gratia. Roma. 11. sed meritum.

Secun.